

堅

瓠

集

堅瓠補集卷之四目錄

鳳凰臺詩

蓮花博士

贈娉娉詞

題琵琶行

示子詩

剪靈運鬚

古銅款識

顧華玉座右銘

闕里災

咏茉莉

燕京元夜

陝府驛壁詞

柳詞

葉公滑齋子合傳

白眉神詞

贈小英詩

邱氏召仙

古城使人

安南貢使

神燈引駕

泰陵水孔

聽琴詩

曹武毅詩

題蜘蛛

鶴銜書

趙夫人

雁來紅

白雁

慶樂園詩

蘇隨

羅周召乚

劍池石房

謝逸工詩

秤心斗膽

李黃書翰

卓筆峯

木偶能詩

寒亭

紙窓詩

鷄冠

落花游蟻圖

蒲劍

劉阮天台圖

俞君宣詞曲

贈小扇

贈陳暎桃

官酒歌

劉光祖詞

贈昭華

題目牌詞

禽虫名

鐵崖小史

南京太常

戒食河魴

殺秦檜

冶容誨淫

差致仕

題蓆舍

詞隱美女

詩隱美女

堅瓠續集卷之四

長洲石農褚人獲學稼纂輯

鳳凰臺詩

詩益嘉言郭功甫祥正嘗與王荊公登金陵鳳凰臺追次李太白韻援筆立成一座盡傾太白句人能誦之功甫詩罕有記者今並錄之太白云鳳凰臺上鳳凰遊鳳去臺空江自流吳宮花草埋幽徑晉代衣冠

成古坵三山半落青天外二水中分白鷺
洲總爲浮雲能蔽日長安不見使人愁功
甫云高臺不見鳳凰遊浩浩長江入海流
舞罷青娥同去國戰殘白骨尙盈坵風搖
落日吹行棹潮擁新沙換故洲結綺臨春
無覓處年年荒草向人愁

蓮花博士

趙章泉梅課嘉泰壬戌九月陸放翁夢一

故人語之曰我爲蓮花博士鏡湖新置官
也我且去矣君能暫爲之乎月得酒千壺
亦不惡也遂以詩紀之曰白首歸修汙簡
書每因囊粟歎侏儒不知月給千壺酒得
似蓮花博士無又夢到萬頃荷花中有詩
云天風無際路茫茫老作花王風露郎只
把千樽爲月俸爲嫌銅臭雜花香此事甚
新奇可入詩料

贈娉娉詞

晁無咎謫玉山過徐州時陳無已廢居里
中無咎置酒出小姬娉娉舞梁州無已作
減字木蘭花云娉娉裊裊芳藥稍頭紅樣
小舞袖低回心到郎邊客已知金尊玉酒
勸我花間千萬壽莫莫休休白髮簪花我
自羞無咎歎曰人疑宋開府梅花賦清艷
不類其爲人無已此詞過於梅花賦矣

題琵琶行

宋學士濂題李易安所書琵琶行詩云佳
人薄命紛無數豈獨潯陽老商婦青衫司
馬太多情一曲琵琶淚如雨此身已失將
怨誰世間安樂常相隨易安寫此別有意
字字似訴心中悲永嘉陳侯好奇士夢裡
謬爲兒女語花顏國色草上塵朽骨何堪
汚唇齒生男當如魯男子生女當如夏侯

國朝名集 卷四 三
女千年穢跡吾欲洗安得潯陽牛江水此
有關世教之作故錄之

示子詩

陳正獻俊卿道德風烈爲阜陵名相第一
築第旣成或訝其門太庫正獻曰異時使
龜婢乳媼可開乃佳耳爲時傳誦其示二
子詩曰興來文字三盃酒老去生涯萬卷
書遺汝子孫清白在不須廈屋太渠渠

剪靈運鬚

晉謝靈運美鬚髯臨刑施爲南海祇洹寺
維摩詰像鬚唐中宗朝安樂公主五日鬪
百草欲廣其物令馳驛取之又恐爲他所
得因剪棄其餘青箱雜記載黃朝英端午
詩云子孟嘗此日鍾英氣主鳳今朝襲慶源
五色呈祥文必顯儲曜丙時先誕位非尊
蘭湯備浴傳荆俗水馬浮江弔屈原因笑

唐家公主駙預令馳驛剪祗洎

古銅款識

懸筭瑣探嘗至南內戊字庫見古銅器一
事如劍而無刃平直首微稜下有卮長可
二尺濶僅及寸皆嵌銀作童子奉牌舞牌
上有古并聶家四字面嵌銀題模稜難斷
伎臣頭碎腦翻成百倍憂解使英雄生膽
氣從今不用佩吳鉤

顧華玉座右銘

嘉靖中上元顧華玉璘官南京刑部尙書
致仕居閒多縱游山水室後築息園曰息
之義止也生也形貴止神貴生動而不止
形乃日敗靜而不撓神乃日生園有載酒
亭以待問字者東有小軒曰促膝諸故人
至解帶密坐茗碗爐香細談農圃醫藥不
及朝政座側有二銘左曰言行擬之古人

則德進功名付之天命則心閒報應念及
子孫則事平受享慮及疾病則用儉右曰
好辯以招尤不若訥默以怡性廣交以延
譽不若索居以自全厚費以多營不若省
事以守儉呈能以誨姤不若韜精以示拙

關里災

白醉璫言弘治己未六月十六日午夜山
東關里被回祿宣聖家廟以迄殿寢門廡

與手植檜栢歷代碑記皆爲煨燼事聞孝
廟爲之惻然遣學士海虞李傑馳文祭告
諭有司葺建吳文定公賦災字韵詩以餞
其行翰林皆有倡和學士吳白樓一鵬詩
云魯東風土信佳哉史筆先應爲紀災門
地仍看千仞在瓣香方自九重來山頽當
日歌聲絕斗仰于今禮數該秋晚玉堦歸
奏事龍顏知向笑中開爲文定所最賞

咏茉莉

憩鶴雜錄邛州盧申之祖臯工於樂府有
洞仙歌咏茉莉云玉肌翠袖較似酴醾瘦
幾度熏醒夜窓酒問炎州何許清涼塵不
到冰花剪就 晚來庭戶悄暗數流光細
拾芳英黯回首念日暮江東偏爲魂銷人
易老幽韻清標似舊正簾紋如水帳如烟
更奈問月明露濃時候

燕京元夜

京師舊俗婦女多以元宵夜出遊名走橋
摸正陽門釘以祓除不祥亦名走百病魏
子存青城集載木蘭花令云元宵昨夜嬉
遊路今夕還從橋下去名香新煖繡羅襦
翠帶低垂金線縷回頭姊妹多私語魚鱗
沉沉纖手挂釵橫髻髻影參差一片花光
無處所又海寧陳相國夫人徐湘蘋燦有

燕京元夜詞云華燈看罷移香麝正御陌
遊塵絕素裳粉袂玉爲容人月都無分別
丹樓雲淡金門霜冷纖手摩娑怯三橋宛
轉凌波躡歛翠黛低回說年年長向鳳城
遊曾望藥珠宮闕星橋雲爛火城日近踏
遍天街月

陝府驛壁詞

宣和中有題詞於陝府驛壁云幼卿少與

表兄同硯席雅有文字之好未筭兄欲締
姻好父母以兄未祿難其請遂適武弁公
明年兄登甲科職教洮而良人統兵陝右
相與邂逅於此兄鞭馬畧不相顧豈前憾
未平耶因賦浪淘沙以寄情云目送楚雲
空前事無踪漫留遺恨鎖眉峰自是荷花
開較晚辜負東風客館笑飄蓬聚散匆匆
揚鞭那忍驟花驄望斷斜陽人不見滿袖

啼紅無限離恨惜其姓字不傳

柳詞

麻城陳雙泉柳詞古道誰栽兩行柳故老
爭傳從古有柳傍腴地長桑麻柳下人家
鬧雞狗似與東風大有情江梅白後眼先
青嬾向章臺舞明月喜同青鎖嚙流鶯君
不見淵明彭澤歸來早愛種五株醉扶老
花萼長街抱恨多漢將營荒空綠繞

葉公滑釐子合傳

陸雲士先生次雲有葉公滑釐子合傳雖是游戲文章可作千秋金鑑春秋前有葉公其子孫繁衍別爲四族每族昆弟或九人或十一人皆輕薄如紙有有面目者有無面目者大約有錢盈貫者皆無面目者也其一人錢數中稍有面目已爲空沒文矣其二十人雖亦衣冠面目宛然大盜

而人樂親之謂可藉以致富染其習者卽
親如骨肉亦互思劫奪故人目其徒曰弔
友謂其雖獲小勝必致大負宜弔不宜賀
也濟葉公之惡者又有滑稽子兄弟六人
皆以骨勝徧身花繡紅綠燦然素與盆成
括善出處必俱誘人以必勝之術人樂親
之與葉無異孟子嘗斥之曰徒取諸彼以
與此然且不可又曰死矣盆成括惡其小

有才也乃滑釐子曾受唐帝特賜緋衣又
爲劉毅呼之卽至遂爾大勝爲人艷羨不
知人每出孤注竟覆全軍者皆慕是說而
悞之者也是滑釐子之罪更浮於葉雖粉
其骨何足贖哉聖人曰戒之在鬪戒之在
色良有以也

白眉神詞

熬坊妓女各供白眉神卽祆神也朔望以

手帕扎神面一過遇子弟有打乖者輒以
帕擲其面墜地使拾之自然心悅而從留
戀不已蓋厭術也沈石田有白眉神詞曰
禱眉神掩神面金針刺帕子針眼通心願
烟花萬戶錦排場家家要教神主張主張
郎來不復去夜夜笙歌無空房帕子有靈
綾一方恩絲愛縷合鴛鴦拂郎拂着春風
香一絲一縷一廻腸

贈妓小英

張乖崖剛腸烈氣千古所罕其鎮蜀時一
女奴隨侍十餘年迨歸猶然處子此是何
等節操乃其席上贈官妓小英詩抑何才
情艷發大不類其爲人乃知留情翰墨不
獨宋廣平賦梅花也詩云我疑天上婺女
星之精偷入筵中名小英又疑王母侍兒
初失意謫向人間爲飲妓不然何得膚如

紅玉初碾成眼如秋波雙臉橫無態因風
欲飛去歌聲遏雪長且清有時歌罷下香
堦幾人魂魄遙相驚人看小英心已足我
看小英心未足爲我高歌送一杯我今贈
爾新翻曲剛烈如公抑何鍾情之深耶

邱氏名仙

鉤弓松江邱氏嘗以疾召仙坐客曰近有
一對云膽瓶斜插四枝花杏桃梨李無可

對勞大仙對之。凡卽書云手卷橫披一軸
畫松竹梅蘭人。以爲奇客。又密以一物置
袖而試之。令作詩。遂題云袖裏深懷一葉
青也。於壇上惱詩情。夜來試聽窓前雨。減
却蕭蕭三兩聲。啓而視之。芭蕉也。乃大服

古城使人

拙菴雜俎。古城使人入貢途中有感。篇詠
錯出其初發云。行盡河橋柳色邊。片帆高

掛遠朝天未行先識歸心早應是燕山有
杜鵑其揚州對客云三月維揚富風景暫
留佳客與同床黃昏二十四橋月白髮三
千餘丈霜玉局詩翁賢太守紅蓮書記好
文章欲尋何遜舊東閣落盡梅花空斷腸
其江樓留別云青嶂俯樓樓俯波遠人送
客此經過西風揚子江邊柳落葉不如離
思多其一丈紅詩已見丁集

安南貢使

袁中郎墨啞某日入主客署遇安南貢使
所貢皆金銀瓶鑪雕鏤等物不甚精此外
則白檀及降真象牙而已問使臣能書否
曰能以筆授之草書一絕云路繞石橋溪
九折雲藏竹塢宅三間門扉半掩山花落
鳴鳥一聲春目間草字幾不可識命以真
書註其旁與中國無異

神燈引駕

黃圖雜志明天壽詣陵在昌平州相傳夜
分時有神燈出宮引駕以行神宮太監多
望見之虞吏部淳熙詩云香烟遙接白雲
平原上金燈夜夜明山鬼蘿衣挽秋駕青
真无路不教行蓋紀其事也

泰陵水孔

無用閒談明孝廟泰陵金井內有孔如巨

杯水仰歎如注吏部郎中楊名父子器親
見之歸䟽諸朝請易地事下工部司空湯
陰李燧怒其多言害成功陰令人塞其孔
以誹謗狂妄奏命錦衣官校押名父赴陵
所驗看名父身親三木朝辭賦詩云禁鼓
無聲曉色遲午門西畔立多時楚人抱璞
云何泣杞國憂天竟是癡群議已公須首
實衆言不發但心知殷勤爲問山陵使誰

與朝廷決大疑其志亦可憐矣孝廟聖體
竟葬此中言之可爲寒心

聽琴詩

王元性耽風月終於貧病妻黃氏共持雅
操每遇得句雖寒夜必先起燃燭供具紙
筆有聽琴詩云拂琴開素匣何事獨頽眉
古調俗不樂正聲公自知寒泉出澗澁老
檜倚風悲縱有來聽者誰堪繼子期

曹武毅賦詩

青箱雜記載曹武毅翰破江南歸數年不
調一日內宴侍臣皆賦詩翰以武人不預
乃陳曰臣少亦學詩乞應詔太宗口卿武
人以刀字爲韻因以寄意曰三十年前學
六韜英名常得預時髦曾因國難披金甲
不爲家貧賣寶刀臂健尙嫌弓力軟眼明
猶識陣雲高庭前昨夜秋風起羞見薔花

舊戰袍太宗爲遷敷官

題蜘蛛

復齋漫錄翟嗣宗尉臨淮頗爲監司所窘
嘗題蜘蛛詩於驛壁以譏之云織絲來往
疾如梭長愛騰空作網羅害物身心雖甚
小漫天網紀亦無多林間宿鳥應嫌汝簾
下飛蟲最懼他莫學螳螂捕蟬勇須知黃
雀奈君何

鶴銜書

蠹魚三食神仙字便得化去名爲脉望銜
濟川養六鶴以粥飯啖之鶴漸識字濟川
檢書皆使鶴銜之李君實日華贈書賈詩
中一聯云行藏半似銜書鶴生計甘爲食
字魚用此○賈子說林載琴中綠色蛀虫
名鞠通喜食枯桐與古墨琴有鞠通能令
絃自和曲鞠通二字亦新堪與脉望作對

趙夫人

紫桃軒雜綴廣州鈴幹俞似妻趙夫人筆
墨灑落類薛稷常書似所作二絕於英州
金山寺壁大徑四寸往來觀者以爲奇蹟
其詩云莫遣鵠鴈飽一呼將軍誰忘滅句
奴年來萬事灰人意只有看山眼不枯
轉食膠膠擾擾問林泉高步未容攀
尚有平生履管領東南到處山

雁來紅

草本有雁來紅者俗名老少年蓉塘詩話
載無錫周子羽詩云翔雁南來塞草秋未
霜紅葉已先愁綠珠宴罷歸金谷七尺珊
瑚夜不收後京師達官卷中畫此徧求品
題無切詠者一士人題曰漢使傳書託便
鴻上林一箭墮西風至今血染堦前草一
度秋來一度紅爲壓卷云

堅瓠續集

卷四

七

七

白雁

蓉塘詩話姑蘇顧文昱字光遠明初爲廣
東行省郎中能詩其題白雁云萬里西風
吹羽儀獨傳霜翰向南飛蘆花映月迷清
影江水涵秋點素輝錦瑟夜調冰作柱玉
關曉度雪沾衣天涯兄弟離群久皓首江
湖猶未歸此詩不在袁景文白燕之下

慶樂園詞

張叔夜過錢塘慶樂園賦高陽臺詞序云
慶樂園韓平原之南園也戊寅歲過之但
有碑石在荆棘中耳詞曰古木迷鴉虛堂
起燕歡遊轉眼驚心南圃東窓酸風掃盡
芳塵鬢貂飛入平原草最可憐渾是秋陰
夜沉沉不信歸魂不到花深吹簫踏葉
幽尋去任船依斷石袖褰寒雲老桂懸香
珊瑚碎擊無聲故園已是愁如許撫殘碑

又却傷今更關情秋水人家斜照猶曛

蘇隨

晉江蘇隨嘉祐間進士令博羅棄官歸葆
神鍊氣不與俗接一夕夢遊異境賦詩曰
夢乘鸞鶴到仙家侍女風流魏月華琥珀
盞斟千歲酒琉璃瓶插四時花金函藏錄
文刊玉石壁題名篆點砂一枕北窓初睡
覺日移門外柳陰斜後數年端坐而化

羅周召乩

濯纓亭筆記天順丁丑山陰儒士羅周間
御史沈性將薦之爲河南府學訓導周於
元旦扶乩召仙問事之成否乩書詩云風
雷不改舊山河華屋年深蔓薜蘿仙掌雲
銷金氣冷鳳臺人去月明多英雄早聽青
銅吼感慨誰知白石歌回首五湖烟水濶
且將閒興托魚簑首句言國家事後言富

貴之易於銷歇論周以不必仕也是年英
廟復辟改元天順而周事竟不成國家之
變更前程之通塞鬼神已前知矣

劒池石扉

宋紹定戊子虎丘劒池水涸人見石扉上
二絕句詩觀正德辛未劒池又乾膜其下
嵌空玲瓏深邃莫測好事者秉燭而入見
內有疊版如門戶狀云是吳王塋處文衡

山有詩曰吳王埋玉幾千年水落池空得
墓磚地下誰曾求寶劍眼中我已見桑田
金鳧寂寞隨塵劫石闕分明有洞天安得
元之論世事滿山寒日散蒼烟越歲其泉
始復

謝逸工詩

漫叟詩話臨川謝無逸詩有古意其寄隱
居士詩云處士骨相不封侯卜居但得林

塘幽家藏玉唾幾千卷手校韋編三十秋
相知四海孰青眼高卧一菴今白頭襄陽
耆舊節獨若只有龐公不入州淮南潘邠
老與之相得二公皆老死布衣士論惜之

秤心斗膽

諸葛武侯嘗言吾心如秤不能爲人作輕
重太平御覽載唐胡曾投人啓云推諸葛
之秤心負姜維之斗膽

李黃書翰

李存勗搽畫粉墨與鏡新磨等日鬧優場
粗獷之極豈有清思者乃其作如夢令詞
云曾宴桃源深洞一曲舞鸞歌鳳長記別
伊時和淚出門相送如夢如夢殘月落花
烟重抑何婉麗如此又黃幙綽亦是詠譚
之雄未聞嫺於藻翰而手書寬裳羽衣曲
刻石河中府大有韻致

卓筆峰

水東日記楊文定公云范文正高季迪皆
姑蘇人兩人氣象甚不同於其所賦卓筆
峰見之按季迪詩見姑蘇雜咏范詩則無
載范云笠澤硯池小穹窿架石峩仰憑天
作紙寫出太平歌高云雲來初似墨鴈過
還成字千載只書空山靈恨何事

水偶能詩

紫桃軒又綴甘復生往來江湖携一木偶
長尺有咫出入袖中登几案跳躍步趨發
聲與人談論亦能詩自云姓高名梅金谿
人少有逸韵年二十餘而卒爲煉鬼者刻
樟木誦秘呪攝附靈魄遂偕甘生以遊一
日有以詩僧秋潭年臘爲問高朗吟一詩
以贈曰高僧如瘦鶴懶得着袈裟雪案堆
莊子花函出內家問方醫病竹郵水泛新

茶一識沉香氣青絲吐白紗句意清絕緣
其素性敏慧故得附人以行乃至出聲於
白晝見技於人叢何其取精用物之弘多
神頽而魄強如此

寒亭

荆門軍玉泉山寒亭過客多題詩獨一首
甚佳朔風凜凜雪漫漫未是寒亭分外寒
六月火雲天不雨請君來此凭闌干

紙窓詩

青瑣後集郭希聲震紙窓詩云偏宜酥壁
稱閒情白似溪雲薄似冰不是野人嫌月
色免教風弄讀書燈聞蛩云愁殺離家未
達人一聲聲到枕邊聞苦吟莫向朱門裏
滿耳笙歌不聽君

雞冠

儼山詩話餘姚楊軾寓寧波延慶寺時僧

房雞冠花盛爛限魚字韵詩云絳幘昂藏
錦不如臨風欲聞又躊躇若教夜半能三
唱驚起山僧打木魚

落花游蟻圖

孫愷士先生題瓜步女史寫落花游蟻圖
虞美人詞云棠梨泣露啼鶯咽一夜霏紅
雪多情游蟻惜餘芳不似蜂爭粉蕊蝶分
香 玉臺纖手東風裏寫出傷心意含情

想像對飛花多少飄零柳絮不如他

蒲劍

朱望子先生咏蒲劍詩云碧芽綠葉繞長
灘叢出森森似劍攢彷彿發矍鋒與鏑分
明出匣莫同干風狂作態美人舞雨急聞
聲食客彈令節草堂饒樂事相將差擬引
盃看

劉阮天台圖

蓬軒吳記徐用禮號南州能詩尤工香奩
家本富以詩貧晚歲落窶藉詩給日嘗題
劉阮天台圖云白雲蒼靄迷行路水復山
重不知處行過礪谷有人家忽見東風萬
桃樹芳香艷態娛青春花間得遇娉婷人
五銖衣薄捲煙霧笑語便覺情相親神仙
雖遇終離別千古佳名自傳說天台山水
至今存桃源望斷空明月亦可詠誦

俞君宣詞曲

俞君宣先生琬綸贈歌童小徐曲調寄四
朝元并小序云黃必顯偉然男子矣然弱
年奇麗非人間所有後來之秀復得小徐
予嘗言得一小二天下可廢郎童得一小
徐天下可廢女子或謂過贅小二不知壓
下小二更無是述益令小徐擅場矣此曲
蓋爲小徐作也曲成以示友人友人云妙

在不類讚女子者粉郎妓麗雲絲覆額時
羨新鶯脆語社燕嬌飛香膩勻肌理把花
容廝比那花容怎比堪憐處酒量雙頤歌
歛輕眉不解粧喬亂排僂媚嗔喜都風味
嗒抹殺那侍屏姬小小青衣偏勝着練裙
溪女睡眼覷迷離櫻桃笑語微他是採芳
花使害多少愁愁悶悶玉樓人意玉樓人
意春風搖曳花間擲果歸看游蜂成隊

粉蝶相隨記年華三五初交歲問春情知
未料知情還未瘦腰如病不爲幽思輭怯
輕風非關憔悴怕擔不起風流字昧休放
過小年時荳蔻含胎難得東君有主縱未
許卜花期先把閒情繫柳絲滿懷心緒低
低啞啞欲言還住欲言還住 非桃非李
粧成別樣姿怪天公何事變作男兒是男
兒越覺憐人意把千愁付你費千愁爲你

何必弓鞋自是凌波不待蘭膏自饒香膩
不畫心橫翠啖莫說有情痴看滿座瓊英
也爲你紛紛墜寒月八羅衣嫦娥也愛玉
朋但花開連夜莫老却潛潛等等美珠游
女弄珠游女紅芳初蘂東風好護持怪
的是游絲拴繫俗子呼盧嫩柔條偏惹催
花雨願伊家須記囑伊家牢記休得破顏
容易須着意低回不是千金切休賣與莫

愛閒調戲哢占盡了可憐姿料半世花星
不出身官裏巧語妬黃鸝高歌誤落梅怕
魂勾春睡快將青鎖重門深閉重門深閉
願爲君影相依倚豈忍把風情月思到
鶯老花殘又付誰

元詞四朝元不用尾聲
止荆奴記有今從之

小鵬十九調

君宣先生贈小鵬曲小鵬又字葢王年少
清麗穎慧過人破瓜未遠當月初通母氏

亦昔日名流言王謝指之也既別翩讀書

擣山念翩不已作十九調

山坡

輕飄飄駕

東風的桂檝急瀏瀏渡津口的桃葉開喧
喧長安看花疾忙忙探問秦樓月豈料我
仙緣夙世結遇芝田有女來姑射滿徑香
霏徘徊花榭幽絕疑是文蕭家侍妾清絕
却是章臺柳乍折

步步嬌

溫馴性子鶯鶯類

宛約天然冶單綃整亦斜玉齒笙簧輕巧

謂百舌舉止舊家怯見了風流燕子思王

謝醉歸

扶

愛他情眸一笑波紋疊愛他無時

睡足海棠怯愛他兩腮檀暈微微靨喜容

常帶不知愁輕風團攏腰盈捻園林正遇

了氤氲使者快將我姻緣簿揭他則說你

兩人深謝喜名字並行列該緣分這時合

需月雲

銀鞍忙卸春風逗馬也我只爲消殘

渴忍不住將瓊漿借誰望多情把漿兒先

待者他一盞予霜味反惹得我心羹熟因
此共把湘靈蘭佩結再指江湄盟誓設兒
水看他覩覩纖腰起燭光引盼斜雛鶯羽
弱驚寒怯荳蔻含胎丁香結新枝好辦寬
心折須把美滿工夫漫且喜鳥道鴻溝恰
方始霞侵月瀉子三段交情正愜恨巫雲終
歸楚峽歡歌正叶襯花眠終爲夢蝶怎當
山相逢預問何時別別時又問

暮相期猶啞聲嗚咽

袍羅

非忍舍連宵歡

愛柔從來無不散筵設杜鵑聲飲淚成血

蜘蛛命盡絲難絕披衣欲起幾番挨脫把

渾身摩遍雙轡緊折捧住了粉腮膩臉相

偎貼

節節

衾溫衣冷怯竟相撒猶將袂口

牢牢掣神飛越把淚遮心如裂若道有淚

非關別必然不是傷心別站看行箱促馬

裝一鞍載取愁盈轍

王交枝

離愁滿轍載回

來消停受些便時時消受消不竭按心頭
不住如跌怕有人提起情更熱又怕無人
提起心加切提不提總肝腸寸結提不提
肝腸寸絕王抱肚肝腸寸絕酒無靈飯成哽
噎奈教人顛倒神魂語言間半是差迭離
人對景總淒切無欲踈燈多事月嘉慶分
付兒童遠睡些分付床頭緊閉些怕癡魂
不鎖心機怕癡魂不鎖心機向夢兒中造

然漏泄只落得夢難成無漏泄令僥僥兩情

相湊恰攪做沉江月不暗不明空中結無

底無邊流怎絕香柳娘信前冤宿業信前冤

宿業把我心窩防設片時不肯容人活笑

無明無夜笑無明無夜一團團兩魂結忙

碌碌無休歇縱千般計法縱千般計法化

水鋸成屑只在我膏肓住也姐姐無端柯

頭闌葉伴悄悄踈鐘到徹沉沉墨墨度過

丁無限劫禪燈滅蒲團坐遣塵心絕忽見

他泣向神明先訴說

滅字憶多嬌

訴我心意劣

把情愛割身外功名直恁切私使一線柔

腸做了剛鍊鐵

滅字闌黑麻

我聽說罷忙把梅

檀碎躡聽說罷再把楞嚴扯裂比似他情

款款意怯怯軟玉溫香也認做如蛇似蝎

滅字歸朝歡

從今後從今後把前程聽者恩愛

河安心永涉從今後從今後風情罪業永

無年將牢籠擺脫尾管教我兩人緣分環
無缺今宵重整鴛鴦牒待取來生還再也

陳映桃

君宜先生贈映桃曲序云映桃其小舊也
故不能作絲蘿而陳君則已心許許不得
遂致有生死合離之故所不忍聞君不能
自言而屬詞于予賦十三曲今錄其九過香
滿剪蘭薰麝眉稍眼稍常帶斜滿腹溫存

口禁齧酒杯斟滿些衣篝罩煖些一時意

轉切引起我前冤業

梧桐樹

一歌清唱闋兩

度濃雲合分付從今再休把衾兒疊戲伸

小指和他說映水桃枝可肯秋蘭纓佩結

他垂頭醜腆無回答欲吐還吞只把身軀

扭捏又中心難自泄暗裏深深謝未必娘

行恁地能賢哲裏腸怎好和君說說不願

了頭願做官人的侍妾他堅牢望我情真

切豈想風波果應了他心料者虎溪我意
堅他意決正花開猛雨權折平陽水湧湘
江濶白地雲封蜀道絕臨到別手捧着衫
兒理衣摺恨中情畢竟難說劉二溪他怎學
得紅線能飛脫我堂堂男子柔怯不能自
作黃衫客那時節管甚麼閒唇舌秋夜不
久死別你死了番安貼死去無知情都撇
我身未死難收煞你既是永訣留一邊怎

活

東 亂

屏弱態清俊

頰裝不盡當初恩愛

車只邨風吹不亂垂肩髮直恁的絲絲繫

至今絲絲把我心腸結腸斷了意難絕又

今生事往世業可是前世根由今暫合還

是根由未了來生接又補却今生缺生前

猶自輕離別還說甚後生劫

金蓮

魂夢越

十年心事歸鵲鳩空自向枕頭邊悶咽怎

能把淚窩中一珠兒彈去滴泉穴

能把淚窩中一珠兒彈去滴泉穴

官酒歌

宋南渡錢唐有官酒庫清明前開煮中秋
前發賣先期以鼓樂妓女迎酒穿街觀者
如市場炎正有錢唐官酒歌云錢塘妓女
顏如玉一一紅粧新結束問渠結束意何
爲八月皇都新酒熟瑪瑙甕列浮蛆香十
三庫中誰最強臨安大尹索酒嘗舊有故
事須迎將翠翹金鳳烏雲髻雕鞍玉勒三

國朝詩集卷四
三
千騎金鞭爭道萬人看香塵冉冉沙河市
琉璃盃深琥珀濃新翻曲調聲摩空使君
一笑賜金帛今年酒賽真珠紅畫樓兀突
臨官道處處繡旗誇酒好五陵年少事豪
華一斗十千誰復校黃金爐下漫徜徉何
曾見此大堤娼惜無顏公三十萬枉醉金
釵十二行

劉光祖詞

劉光祖有鶴林文集小辭附焉其醉落魄
云春風開者一時還共春風謝柳條送我
今槐夏不飲香醪孤負人生也 曲塘泉
細幽琴寫胡床滑簟應無價日遲睡起簾
鉤掛何不歸與花竹秀而野

贈昭華

黃魯直大暑聽王晉卿家姬昭華吹笛贈
以詩云斲竹能吟水底龍主人應在月明

中何時爲洗秋空熱散作霜天落葉風

題目牌詞

拙菴雜組載無名氏咏小考題目牌詞調
寄一剪梅大有思致詞曰高脚長身粉面
粧不爲才郎却爲才郎長長短短兩三行
此已驚慌彼亦驚慌 搖搖擺擺下廳堂
繞過西廊又到東廊遮遮掩掩倚簷傍你
也思量我也思量

禽蟲名

禽名山和尚卽山鵲也滇中有蟲名水秀才楊升菴鷓鴣天云秋水澄清勝酒醅野煙籠樹似樓臺彈聲林鳥山和尚寫字寒蟲水秀才乘興去興闌回夕陽影裏記徘徊正思修禊明年約無奈鳴騶得得催水秀才狀似蚊而大游泳水面池中多有之

鐵崖小史

詞苑叢譚林鐵崖嗣環使君口吃有小史
名絮鐵掌共患難絕憐愛之不使輕見一
人一日朱觀察琬在坐呼之不至觀察戲
爲西江月詞云閱盡古今俠女肝腸誰得
如他兒家郎罷太心多金屋何須重鎖
羞說餘桃往事憐卿勇過龐娥千呼萬喚
出來麼君曰期期不可衆皆大笑

南京太常

紫桃軒雜綴南京百司事簡若太常則尤
閒寂先輩有爲是卿者終日醉眠坐嘯而
已一日傳門柝甚急詢之乃宣州八述公
文因春多風園戶訴所供太廟梨花被吹
落盡至秋恐難結實求派他邑有司故爲
申請也因成一絕云印床高閣網塵沙日
聽喧蜂兩度衙昨夜宣州文檄至又嫌多
事管梨花先輩風流亦可見矣

戒食河豚

倪鴻寶先生有將無忠義事不及食河豚
句陸雲士先生取此意而廣之作離亭燕
詞以戒人三月桃花春水網撒江鮮初起
不使纖塵沾鼎俎乳炙西施甚美下箸且
徘徊此事不如已矣 昨日傳聞西第醉
飽翻成涕淚子孝臣忠千古事只是難撓
一死口腹亦何爲竟肯輕生若此

殺秦檜

極齋雜錄吳中一富翁宴客演精忠記坐客某見秦檜出不勝憤憤起而捶打中其要害而斃舉坐皆驚某從容自若衆鳴之官官憐其義得從末減後歸作詩曰賣國奸雄心膽寒當場一見髮衝冠無端格殺秦花面也爲庸臣滌肺肝蓋寓激濁揚清之意周蓼洲先生打秦檜事見辛集四卷

治容誨淫

風俗記云上有倩盼下有金蓮乃女子之美質今則不然時有詩云滿面胭脂粉黛奇飄飄兩髻拂紗衣裙鑲五采遮紅袴綽板脚跟着象棋貂鼠圍頭鑲錦袍袖妙常巾帶下垂尻寒回猶着新皮襖只欠一雙野雉毛所謂治容誨淫一至於此有世道之責者其可不思所以挽之乎

差致仕

明山錄天禧中孫集賢冕直史館幾三十
年晚年守蘇已及期年大書詩於廳壁拂
衣而去詔下冕已歸矣詩曰人生七十鬼
爲隣已覺風光屬別人莫待朝廷差致仕
早謀泉石樂閒真去年河北曾逢李今日
淮西又見陳寄語姑蘇賢太守也須抖擻
老精神

題蓆舍

顧八月先生恒以高才有聲黌序久困場
屋牢騷不平之感每見之篇章崇正壬午
闈試畢戲題蓆舍曰八千科舉盡元魁吾
亦隨行揆進來苦惱文章逐氣荅囫圇題
目沒頭猜號房缺瓦常防漏蠟燭釘筌不
住歪我第三官真造化宗師竟不取遺才
明日哄傳白下聞者絕倒

詞隱美女

吳郡周貞履江多才思有閨情曲每句隱
一古美女名後緣事爲撫軍朱國治劾奏
與金聖嘆等同死其曲遂失傳沈秋田倣
其體成賀新郎詞云靜把絲桐理琴操早
則見筠簾半捲夜光雙繫綠珠日斷玉門
凝望久明開盼獨坐有誰相倚無雙想塞外
月明於水夷光纔到平明煙霧遶朝雲却

東來紫氣氤氲起，蹙非花片舞紛如綺。紅
拂空依女弟歡相聚，妹喜甘貧苦綠芽凝
翠。茶嬌黃蘗淡味無鹽閒倚劉郎花下聽
鶯桃兩箇黃鸝聒耳鶯鶯總只在垂楊樹
裏。柳枝遙望吳門一萼爾，蘇小念丰姿似
玉同嬌女。如姬想檀郎應相憶，念奴

詩隱美女

毛序始美女燈謎六宮嬌面艷桃般紅兒

吐萼含葩妃子顏花人一曲春風誰屬和

杜韋娘黃鸝柳外語間關轉春鶯赤城女降

館娃宮仙絳媚態朱顏總不同嬌紅桃杏

滿園如布錦紅綃還輸人面自然紅花不

子亦效顰漫成十絕桃花爛熳徧河梁紅張

橋名鳥雙飛遶畫堂燕燕對此春光宜解

悶莫愁開懷正欲飲千觴解愁艷陽三

月物華饒麗春掠水烏衣過小橋飛燕崔

護重來花已謝桃葉只餘春柳尙垂條楊

枝

揚子灘頭南澗濱

江采錦鱗游泳樂

天真

機

河東波浪何偏急薛濤無那狂

飈似轉輪

翺

風聲名藉藉豈虛稱

真真如

玉丰姿非等恒

超

超萬選果然應萬中錢

錢門生衣鉢遞相承

李師

一葉梧飄白

帝臨

謝素

蟾

宮丹粟勝南金桂英衣篝火

冷餘蘭麝

寒香

更靜惟聞秋夜砧浣衣